



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
9-300

**Xuv Cuaj – Cov Cai Kev Yuam Siv**

**Cov Ntawv Tso Cai Ntes**

**9-301 Cov Ntawv Tso Cai Tshawb Nrhiav**

(04/08/22) (05/02/22) (07/01/23)

Kev hloov kho cov cai ua ntej: (06/19/02) (06/12/02) (08/01/02) (08/08/07) (03/11/16)  
(06/29/16) (11/30/20)

**I. Lub Hom Phiaj**

**A.** Minneapolis Lub Tuam Tsev Hauj Lwm Ntsig Txog Tub Ceev Xwm (Minneapolis Police Department) tau mob siab rau kev pov thaiv thiab muab kev pab cuam nyob rau txoj hauv kev uas txo kev phom sij thiab kev pheej hmoo rau peb lub zej zog thiab rau MPD cov neeg ua hauj lwm.

1. Saib raws li MPD lub zeem muag thiab txoj cai kev siv dag zog (P&P 5-301), cov tub ceev xwm yuav tsum paub thiab hwm qhov kev dawb huv ntawm lub neej thiab txiaj ntsig ntawm txhua tus neeg lub neej, thiab qhov yuav tau coj rau txhua tus neeg yam uas muaj kev muab saib siab thiab tsis muaj kev ntxub ntxaug.
2. Thaum nrhiav los sis muab kev pab cuam cov ntawv tso cai, MPD cov neeg ua hauj lwm yuav tsum tsum kwm rau kev pov thaiv lub zej zog los ntawm kev phom sij, uas pab txhawb zej toom li kev nyab xeeb thiab muab kev pab cuam nyob rau tus yam ntxwv tsim kev ntseeg siab thiab muaj kev ua raug raws li lub zej zog cov kev vam khom.

**B.** Lub hom phiaj ntawm txoj cai no yog los ua kom ntseeg siab tias muaj kev siv tau cov ntawv tso cai, tau npaj thiab tau muab kev pab cuam nyob rau tus yam ntxwv uas pov thaiv cov tub ceev xwm, cov neeg phem thiab zej toom, thiab nyob rau tus yam ntxwv uas pab txhawb cov kev cai lij choj, Txoj Cai, thiab MPD cov cai.

**II. Cov Ntsiab Lus Txhais**

**Daim Ntawv Tso Cai Tshawb Nrhiav Kev Kav Tswj:** Daim ntawv tso cai tshawb nrhiav uas xa raws hluav taws xob lossis siv lwm txoj haus kev xa ua tsis siv neeg tivtas lossis kev kuaj cov khoom ti khawv twb nyob rau hauv tub ceev xwm tes lawm. Cov piv txwv ntawm cov ntawv tso cai tshawb nrhiav kev kav tswj yog suav nrog, tab sis tsis tag rau:

- Cov ntaub ntawv sau tseg ntawm txhab nyiaj,
- Cov ntaub ntawv kaw tseg ntawm xov tooj ntawm tes los sis lwm cov xov tooj,
- Xaus saus mis dias thiab lwm cov kev sib txuas lus hauv es lev taus niv,
- Cov tsheb uas raug ywv,

- Cov ntaub ntawv sau tseg fab kev kho mob.

**Tus neeg uas tau cog lus:** Tus tub ceev xwm, tus neeg tshawb xyuas los sis tus sergeant uas tau cog lus uas sau daim ntawv thov daim ntawv tso cai tshawb nrhiav thiab cog lus rau cov ntaub ntawv tseeb tiag ntawm daim ntawv lees paub uas muaj nyob rau hauv daim ntawv thov.

**Daim ntawv lees paub:** Daim ntawv sau ua ntaub ua ntawv (daim ntawv qhia txog cov ntaub ntawv tseeb tiag) uas tau lees paub raws li qhov lus cog tseg los sis kev lees paub.

**Tsev hais plaub:** Lub chaw txiav txim uas tau teeb tsa uas muaj cai txiav txim rau qhov chaw los sis tus neeg uas tau teev npe tseg rau hauv daim ntawv thov daim ntawv tso cai tshawb nrhiav thiab daim ntawv lees paub.

**Daim Ntawv Tso Cai Tshawb Nrhiav "Kev Pheej Hmoo Siab":** Daim ntawv tso cai tshawb nrhiav uas cov kev phom sij uas tau paub los sis ua xyem xyav raug txheeb xyuas thiab muaj feem yuav tshwm sim nyob rau ncuav sij hawm qhov kev pab cuam daim ntawv tso cai. Cov kev phom sij uas tau txheeb xyuas muaj kev pheej hmoo loj rau qhov kev nyab xeeb ntawm cov neeg uas daim tso cai tshawb nrhiav ntau tshaj li cov kev muaj peev xwm ntawm kev ncig xyuas raws li ib txwm thiab cov luag hauj lwm kev tshawb xyuas. Cov kev phom sij no tej zaum yuav suav nrog, tab sis tsis tag rau, cov feem xyuam uas ua xyem xyav xws li kev muaj thiab kev siv riam phom, thiab cov feem xyuam ntawm chaw xws li cov kev tab kaum thiab lwm cov kev nyuaj rau kev nkag mus ze.

**Daim Ntawv Tso Cai Tshawb Nrhiav "Kev Pheej Hmoo Pes Nrab":** Daim ntawv tso cai tshawb nrhiav uas muaj feem muaj ciam txwv kev tso hem thawj rau kev phom sij vim tus yam ntxwv thiab qhov chaw ntawm daim ntawv tso cai, nrog rau cov ntaub ntawv uas muaj kev ntseeg tau yam uas muaj zoo laj thawj hais txog cov tib neeg uas nyob rau ntawm qhov chaw muaj qhov teeb meem. Cov kev phom sij los sis cov kev pheej hmoo uas muaj feem tshwm sim tsis mus raws li tus qauv cai rau daim ntawv tso cai tshawb nrhiav "kev pheej hmoo siab", tab sis tej zaum yuav tsum tau muaj kev kuaj xyuas los sis kev tawm phiaj xwm ntxiv. Qhov no tuaj yeem suav tau nrog daim ntawv tso cai uas tej zaum yuav tsum muaj kev yuam kom nkag mus, thiab tsis paub tias seb cov tib neeg ntawd puas muaj riam phom.

**Daim Ntawv Tso Cai Tshawb Nrhiav "Khob Qhov Rooj thiab Ceeb Toom":** Raws li txoj kev cai "khob qhov rooj thiab ceeb toom", raws li ncuav dav lawm tus tub ceev xwm uas ua raws li daim ntawv tso cai tshawb nrhiav yuav tsum tsis nkag mus rau hauv qhov chaw kiag tag sim ntawd, yog tias tsis muaj cov xwm txheeb uas maj ceev raws li tau hais tseg nyob rau hauv tshooj Txheeb Txheem Kev Nkag Mus Raws Li Daim Ntawv Tso Cai ntawm tsab cai no. Dhau ntawm, qhov uas tus tub ceev xwm yuav tsum khob qhov rooj ua ntej, qhia lawv tus kheej tias yog "Tub Ceev Xwm" thiab ceeb toom txog lawv lub hom phiaj, thiab tos kom muaj sij hawm txaus tsim nyog kom cov neeg nyob rau hauv tso cai nkag mus rau hauv cov chaw, raws li tshooj Txheeb Txheem Kev Nkag Mus Raws Li Daim Ntawv Tso Cai ntawm tsab cai no.

**Daim Ntawv Tso Cai Tshawb Nrhiav "Kev Pheej Hmoo-Qis":** Daim ntawv tso cai tsis muaj los sis muaj feem tsawg tshaj plaws uas muaj kev tso hem thawj rau kev phom sij vim tus yam ntxwv thiab qhov chaw ntawm daim ntawv tso cai nrog rau kev tsis muaj cov neeg uas xav tias

muaj kev txhaum. Cov piv txwv ntawm cov ntawv tso cai tshawb nrhiav "kev pheej hmoo-qis" yog suav nrog, tab sis tsis tag rau:

- Cov thawv ntim khoom uas muaj kev nyab xeeb,
- Cov ntawv tso cai tshawb nrhiav kev ua phem fab kev sib daj sib deev ntawm DNA rau cov neeg uas raug ceev cia,
- Cov ntawv tso cai tshawb nrhiav nyob ntawm qhov chaw uas tus neeg tshawb nrhiav yeej tsis xav tias yuav ntsib tus(cov) neeg uas xav tias muaj kev txhaum los sis lwm yam kev tiv thaiv (piv txwv, qhov chaw uas twb nyob rau qab tswj hwm ntawm lub chaw yuam siv kev cai lij choj lawm).

**"Daim Ntawv Tso Cai Tshawb Nrhiav Uas Tsis Khob Qhov Roj":** Los kuj tau hu ua daim ntawv tso cai tshawb nrhiav uas Nkag Mus Yam Uas Tsis Ceeb Toom los sis Nkag Mus Yam Uas Tsis Nres, daim ntawv tso cai tshawb nrhiav yam uas tsis khob qhov roj yog daim ntawv tso cai tshawb nrhiav uas tso cai rau tus tub ceev xwm nkag mus rau hauv qee qhov chaw yam uas tsis muaj kev khob qhov roj thiab kev ceeb toom ua ntej txog tus tub ceev xwm qhov kev tuaj los sis lub hom phiaj ua ntej nkag mus rau hauv qhov chaw (Tsab Cai MN tshooj 626.14 Subd. 2).

**Lub Laj Thawj Uas Yuav Mus Taus:** Kev muaj zoo laj thawj rau kev pab txhawb qhov lus txib ntawm Tsev Hais Plaub uas tau thov, uas suav nrog: cov ntawv tso cai tshawb nrhiav, cov kev ntes los sis lwm txheej txheem raws li kev cai lij choj. Qhov Kev Hloov Kho Zaum Thib Plaub yuav tsum tau muaj lub laj thawj uas yuav mus taus. Cov tub ceev xwm yuav tsum muaj lub hauv paus yam uas muaj zoo laj thawj uas ntseeg tias tej zaum tau muaj kev ua phem los sis tias muaj pov thawj rau qhov kev ua phem uas tshwm sim nyob rau hauv qhov chaw tau tshawb nrhiav.

**Daim Ntawv Tso Cai Tshawb Nrhiav:** Daim ntawv uas tau tawm los ntawm lub Tsev Hais Plaub uas tso cai rau tub ceev xwm nkag mus thiab tshawb nrhiav tus tib neeg, qhov chaw, thaj chaw los sis lub tsheb rau lub hom phiaj kev tshawb nrhiav pov thawj.

**Daim foos Daim Ntawv Tso Cai Tshawb Nrhiav thiab Kev Ntsuam Xyuas Kev Pheej Hmoo:** Daim foos uas tau sau tiav los ntawm Minneapolis Lub Tuam Tsev Hauj Lwm Ntsig Txog Tub Ceev Xwm cov neeg ua hauj lwm uas siv cov ntaub ntawv kev tshawb xyuas thiab lwm tus qauv cai kev ntsuam xyuas qhov kev pheej hmoo uas muaj feem tshwm sim uas tau cuam tshuam nrog rau daim ntawv tso cai.

**SWAT:** Pab Pawg Neeg Ua Hauj Lwm Tuav Riam Phom thiab Tawm Tswv Yim Tshwj Xeeb ntawm Minneapolis Lub Tuam Tsev Hauj Lwm Ntsig Txog Tub Ceev Xwm.

**Daim Ntawv Tso Cai Tshawb Nrhiav "Nkag Mus Yam Uas Tsis Ceeb Toom":** Los kuj tau hu ua "daim ntawv tso cai tshawb nrhiav uas tsis khob qhov roj."

### III. Txoj Cai

#### A. Cov Cai Uas Raug Raws Cai Lij Choj

Tsab Cai MN tshooj 626.05 txog 626.22 tso cai rau cov tub ceev xwm saib xyuas kev thaj yeeb los sau thiab ua raws li cov ntawv tso cai tshawb nrhiav nyob rau ncuaj sij hawm ua lawv cov luag hauj lwm tshawb xyuas thiab cov kev tshawb xyuas kev ua phem, thiab Tsab Cai cov tshooj uas teeb tsa cov cai teeb tseg rau daim ntawv tso cai rau cov tub ceev xwm saib xyuas kev thaj yeeb. Tsab Cai MN tshooj 626.14 muab cov kev qhia meej tseeb tshwj xeeb txog lub sij hawm thiab tus yam ntxwv ntawm daim ntawv tso cai tshawb nrhiav thiab cov cai teeb tseg rau "daim ntawv tso cai tshawb nrhiav uas tsis khob qhov rooj."

#### B. Raug Raws Li Tus Nqe, Cov Cai thiab Cov Kev Cai Lij Choj

1. Nws yog txoj cai ntawm Minneapolis Lub Tuam Tsev Hauj Lwm Ntsig Txog Tub Ceev Xwm uas yuav tau siv cov ntawv tso cai tshawb nrhiav thiab tau ua nyob rau tus yam ntxwv uas muaj kev ncaj ncees rau ob tog, raug raws li Lub Zeem Muag, Lub Luag Hauj Lwm, Cov Txiaj Ntsig thiab Cov Hom Phiaj ntawm Minneapolis Lub Tuam Tsev Hauj Lwm Ntsig Txog Tub Ceev Xwm, uas suav nrog cov ncej txheem Kev Ncaj Ncees Raws Txheej Txheem, thiab raug raws li kev pov thaiv tib neeg cov kev muaj cai raws li kev cia lij choj.
2. Dhau li no lawm cov ntawv tso cai tshawb nrhiav kuj yuav raug ua saib raws li txhua txoj kev cai lij choj uas siv tau thiab MPD cov cai thiab cov txheej txheem.
3. Minneapolis Lub Tuam Tsev Hauj Lwm Ntsig Txog Tub Ceev Xwm yuav ua raws li cov tswv yim thiab cov tev niv txhawm rau:
  - Muab kev nyab xeeb rau txhua tus neeg uas muaj kev txhawj xeeb;
  - Ua kev tshawb nrhiav thoob plaws thiab raug raws li kev cai lij choj;
  - Hwm cov kev muaj cai raws li kev cai lij choj ntawm tib neeg thaum tau muab kev pab cuam daim ntawv tso cai;
  - Txo qib kev tsoo nkag mus uas cov neeg uas lawv muaj qhov chaw raug tshawb nrhiav tau ntsib; thiab
  - Tsim ntaub ntawv sau tseg txog txheej txheem kev ua raws li daim ntawv tso cai.

### IV. Cov Txheej Txheem/Cov Kev Cai

#### A. Kev Npaj Daim Ntawv Tso Cai

1. Tus neeg uas tau cog lus

Cov tub ceev xwm tshawb xyuas los sis cov thawj coj saib xyuas hauj lwm yuav yog tus npaj cov ntawv tso cai tshawb nrhiav.

2. Lub laj thawj uas yuav mus taus

Yog tias muaj qhov ua xyem xyav hais txog lub laj thawj uas yuav mus taus rau daim ntawv tso cai, ces yuav muaj kev txuas lus rau lub nroog los sis khauj tim tus kws lij choj txhawm rau thov kev pab.

3. Ua raws li cov cai teeb tseg rau daim ntawv tso cai

Cov tub ceev xwm yuav ua raws li txhua cov cai teeb tseg rau daim ntawv tso cai uas tau teev tseg uas suav nrog kev muab kev pab cuam daim theej tawm ntawm cov ntawv tso cai thiab cov ntawv tau txais khoom mus rau cov neeg uas raug feem cuam tshuam.

4. Daim ntawv tso cai tshawb nrhiav uas tsis khob qhov rooj raug txwv

- a. MPD cov tub ceev xwm yuav siv tsis tau los sis ua raws daim ntawv tso cai tshawb nrhiav uas tsis khob qhov rooj, tsis hais yuav yog rau MPD los sis sawv cev rau lwm lub chaw sawv cev.
- b. MPD cov tub ceev xwm yuav tsis thov kom lwm lub chaw sawv cev ua raws daim ntawv tso cai tshawb nrhiav uas tsis khob qhov rooj sawv cev rau MPD.

**B. Lub Sij Hawm Muab Kev Pab Cuam Daim Ntawv Tso Cai Tshawb Nrhiav**

1. Saib raws li Tsab Cai MN tshooj 626.14, tej zaum tsuas muab kev pab cuam rau daim ntawv tso cai tshawb nrhiav ncu ntawm cov teeb sij hawm thaum 7:00 teev sawv ntxov thiab 8:00 teev tsaus ntuj xwb tshwj tsis yog lub tsev hais plaub txiav txim raws li cov ntaub ntawv tseeb tiag uas tau hais nyob rau hauv cov ntawv lees txais tias kev tshawb nrhiav hmo ntuj uas nyob sab nrauv cov teev sij hawm ntawd muaj kev tsim nyog los pov thaiv qhov kev plam, kev rhuav tshem, los sis kev tshem tawm cov khoom ntawm qhov kev tshawb nrhiav los sis los pov thaiv cov neeg tshawb nrhiav los sis zej toom.
2. Daim ntawv tso cai tshawb nrhiav yuav hais tias nws tsuas muab kev pab cuam nyob rau ncu ntawm cov teev sij hawm thaum 7:00 teev sawv ntxov thiab 8:00 teev tsaus ntuj xwb tshwj tsis yog qhov kev tshawb nrhiav hmo ntuj nyob sab nrauv ntawm cov teev sij hawm ntawd tau txais kev tso cai.
  - a. Txhua cov ntawv tso cai tshawb nrhiav hmo ntuj rau qhov chaw nyob los sis cov lag luag ntiag tug uas tsis nyob rau qab tswj hwm ntawm cov tub ceev xwm yuav tsum muaj kev tshab xyuas thiab tau txais kev pom zoo ua ntej siv los ntawm Tus Lwm Thawj Coj Kev Tshawb Xyuas los sis, yog tias tsis muaj, lwm tus neeg ua hauj lwm nyob rau qib uas siab li Tus Lwm Thawj Coj los sis siab zog ntawd.

### C. Daim foos Daim Ntawv Tso Cai Tshawb Nrhiav thiab Kev Ntsuam Xyuas Kev Pheej Hmoo

1. Yuav tsum muaj daim foos Kev Ntsuam Xyuas Kev Pheej Hmoo
  - a. Yuav tsum tau ua kom tiav Daim Ntawv Ntsuam Xyuas Kev Pheej Hmoo Ntawm Daim Ntawv Tso Cai Tshawb Nrhiav rau txhua cov ntawv tso cai tshawb nrhiav "Kev Pheej Hmoo-Pes Nrab" thiab "Kev Pheej Hmoo-Siab".
  - b. Tus neeg uas tau cog lus yuav sau tseg rau hauv daim foos hais txog tej cov kev ua ub ua no tshawb xyuas uas tau ua los ntes tus neeg uas xav tias muaj kev txhaum los sis kom tau txais pov thawj ua ntej tawm daim ntawv tso cai tshawb nrhiav, los sis lub laj thawj uas tsis tas muaj kev ua ub ua no tshawb nrhiav los sis tuaj yeem ua tau.
2. SWAT tshab xyuas rau cov ntawv tso cai "Kev Pheej Hmoo-Pes Nrab" thiab "Kev Pheej Hmoo-Siab" rau cov chaw.

Nyob rau hauv txhua cov ntawv tso cai tshawb nrhiav rau cov chaw uas tsis muaj kev txiav txim tias yog daim ntawv tshawb nrhiav kev kav tswj los sis daim ntawv tshawb nrhiav "kev pheej hmoo-qis", SWAT tus thawj coj saib xyuas hauj lwm yuav tshab xyuas thiab txiav tsim seb pab pawg neeg ua hauj lwm SWAT puas yuav tsum tau muaj kev cuam tshuam rau kev npaj thiab kev ua raws li daim ntawv tso cai. Qhov no suav nrog cov ntawv tso cai tshawb nrhiav "kev pheej hmoo-pes nrab".

3. Kev pom zoo rau cov ntawv tso cai "kev pheej hmoo-siab" rau cov chaw.

Txhua cov ntawv thov daim ntawv tso cai tshawb nrhiav rau cov chaw uas raug txiav txim tias yog "kev pheej hmoo-siab" yuav tsum raug tshab xyuas thiab tau txais kev pom zoo los ntawm tus thawj coj saib xyuas hauj lwm nyob rau qib uas txij li Tus Thawj Coj Saib Xyuas los sis siab zog, ua ntej ua raws li daim ntawv tso cai.

4. Cov ntawv tso cai "kev pheej hmoo-pes nrab" thiab "kev pheej hmoo-siab" tsis yog rau cov chaw.

Cov ntawv tso cai tshawb nrhiav uas tau txiav txim tias yog "kev pheej hmoo-pes nrab" los sis "kev pheej hmoo-siab" uas tsis yog rau cov chaw tej zaum yuav raug ua raws uas raws li lus txib ntawm tus thawj coj saib xyuas hauj lwm, yam uas tsis muaj kev sab laj nrog rau SWAT tus thawj coj saib xyuas hauj lwm. Qhov no suav nrog cov ntawv tso cai tshawb nrhiav rau cov tib neeg thiab cov ntawv tso cai tshawb nrhiav rau cov tsheb uas tau cajib los sis tsav khiav mus los.

5. Cov ntawv tso cai "kev pheej hmoo-qis"

Tej zaum tus neeg tshawb xyuas/tus neeg uas tau cog lus ntawm daim ntawv tso cai tshawb nrhiav yuav tau ua raws li daim ntawv tso cai tshawb nrhiav "kev pheej hmoo-qis" uas raws li lus txib ntawm lawv tus thawj coj saib xyuas hauj lwm, yam uas tsis muaj kev sab laj nrog rau SWAT tus thawj coj saib xyuas hauj lwm. Tsis tas yuav muaj daim

foos Kev Ntsuam Xyuas Kev Pheej Hmoo Ntawm Daim Ntawv Tso Cai Tshawb Nrhiav rau daim ntawv tso cai.

6. Cov ntawv tso cai kev kav tswj

Tej zuam tus neeg tshawb xyuas/tus neeg uas tau cog lus yuav tau ua raws li daim ntawv tso cai tshawb nrhiav kev kav tswj yam uas tsis muaj kev sab laj nrog rau SWAT tus thawj coj saib xyuas hauj lwm. Tsis tas yuav muaj daim foos Kev Ntsuam Xyuas Kev Pheej Hmoo Ntawm Daim Ntawv Tso Cai Tshawb Nrhiav rau daim ntawv tso cai.

**D. Kev Npaj rau Kev Ua Raws Li Daim Ntawv Tso Cai**

1. Kev siv SWAT pab pawg neeg ua hauj lwm

- a. Pab pawg neeg ua hauj nyob rau hauv lub luag hauj lwm los ntawm Lub Chaw Tuav Riam Phom thiab Tawm Tswv Yim Tshwj Xeeb (Special Weapons and Tactics, SWAT) yuav raug siv rau kev muab kev pab cuam rau txhua cov ntawv tso cai kev pheej hmoo-siab rau cov chaw uas tau piav qhia nyob rau hauv daim foos Daim Ntawv Tso Cai Tshawb Nrhiav thiab Kev Ntsuam Xyuas Kev Pheej Hmoo (MP-6946).
- b. SWAT tus neeg ua hauj lwm yuav raug siv nyob rau hauv txhua lwm cov npe uas tau npaj ua ntej uas tej zaum yuav ntau tshaj cov kev muaj peev xwm ntawm kev ncig xyuas raws li ib txwm thiab cov luag hauj lwm kev tshawb xyuas, raws li tau txiav txim los ntawm SWAT tus thawj coj saib xyuas hauj lwm tom qab lawv qhov kev tshab xyuas.
- c. Lub hom phiaj ntawm pab pawg neeg ua hauj lwm yog los ua kom tus neeg ua hauj lwm uas tau txais kev cob qhia thiab qhov khoom siv tshwj xeeb ua tau cov kev tshawb nrhiav thiab cov kev ntes uas tau npaj tseg yam uas muaj kev nyab xeeb thiab ua tau ceev.
- d. Cov tub ceev xwm tshawb xyuas yuav pab qhov kev ua hauj lwm thiab ua txhua cov kev ntes uas tau cuam tshuam.
- e. Yog tias SWAT tsis muaj kev cuam tshuam rau hauv kev ua raws li daim ntawv tso cai tshawb nrhiav "kev pheej hmoo-pes nrab" (high risk), ces tsuas yog cov tub ceev xwm tau txais qhov kev cob qhia "kev nkag mus raws li daim ntawv tso cai tshawb nrhiav" uas yuav tsum tau muaj xwb thiaj li yuav ua raws li daim ntawv tso cai.
- f. SWAT cov tub ceev xwm uas ua raws li daim ntawv tso cai tshawb nrhiav yuav tsum qhia tus kheej kom meej tias yog neeg ua hauj lwm ntawm lub chaw yuam siv kev cai lij choj, saib raws li tshooj Cov Txheej Txheem Kev Nkag Mus Raws Li Daim Ntawv Tso Cai ntawm txoj cai no.

## 2. Cov Kev Thov SWAT Pab Pawg Neeg Ua Hauj Lwm

Thaum SWAT tsis nyob rau hauv lub luag hauj lwm, cov kev thov SWAT pab pawg neeg ua hauj lwm uas nyob rau hauv lub luag hauj lwm yuav tau ua mus rau MECC.

- a. SWAT pab pawg neeg ua hauj lwm tus thawj coj saib xyuas hauj yuav teeb tsa cov tswv cuab ntawm pab pawg neeg ua hauj lwm muab kev pab thiab txib kom lawv mus rau ntawm qhov chaw uas tau npaj ua ntej tseg txhawm rau ua kev xaus lus nrog rau cov tub ceev xwm tshawb xyuas.
- b. Cov yuav tau ua zoo saib rau fab kev tawm tswv yim txhawm rau nkag mus rau hauv qhov chaw nyob thiab ceev kev ruaj ntseg ntawm cov neeg nyob rau hauv yog lub luag hauj lwm ntawm SWAT.

## 3. Kev muaj tus thawj coj saib xyuas hauj lwm

- a. Yuav tsum muaj tus thawj coj saib xyuas hauj lwm uas tsis yog SWAT los sis tus Sergeant tshawb xyuas nyob rau hauv cov kev ua raws li txhua cov ntawv tso cai tshawb nrhiav uas tau npaj tseg (uas suav nrog cov uas cuam tshuam rau SWAT).
- b. Yuav tsum muaj SWAT tus thawj coj saib xyuas hauj lwm nyob rau hauv cov kev xaus lus thiab cov kev ua raws li txhua cov ntawv tso cai tshawb nrhiav uas tau npaj tseg uas cuam tshuam rau SWAT.

## 4. Kev muaj cov tub ceev xwm uas hnav cev khaub ncaws tub ceev xwm

- a. Txhua cov ntawv tso cai tshawb nrhiav kev pheej hmoo-siab thiab kev pheej hmoo-pes nrab yuav tsum muaj tus tub ceev xwm uas hnav cev khaub ncaws tub ceev xwm.
- b. Thaum SWAT tsis cuam tshuam rau qhov kev ua raws li daim ntawv tso cai, tus neeg tshawb xyuas yuav txuas lus rau Minneapolis Lub Chaw Txuas Lus Thaum Muaj Xwm Txheej Ceev (Minneapolis Emergency Communications Center, MECC) thiab tus thawj coj saib xyuas hauj lwm uas nyob rau hauv lub luag hauj lwm ntawm cheeb tsam uas tau cuam tshuam ntawm qhov chaw uas tau muab kev pab cuam daim ntawv tso cai, txhawm rau ceeb toom rau lawv paub txog daim ntawv tso cai thiab txhawm rau thov tus tub ceev xwm uas hnav cev khaub ncaws tub ceev xwm.
  - i. Thaum yuav tsum tau muaj pab pawg neeg ua hauj lwm los pab tus neeg tshawb xyuas nrog rau daim ntawv tso cai tshawb nrhiav, ces yuav hu kom pab pawg neeg ua hauj lwm ntawm cheeb tsam rau qhov chaw uas yuav muab kev pab cuam daim ntawv tso cai tuaj pab.
  - ii. Yog tias tsis muaj pab pawg neeg ua hauj lwm ntawm cheeb tsam rau qhov chaw, ces MECC yuav txuas lus rau lwm pab pawg neeg ua hauj lwm.



5. Kev muaj tus neeg kho mob thaum muaj xwm txheej ceev los sis lub chaw EMS

Tus neeg kho mob thaum muaj xwm txheej ceev uas tau txais kev lees txais, lub chaw EMT los sis Cov Kev Pab Cuam Fab Kev Kho Mob Thaum Muaj Xwm Txheej Ceev (Emergency Medical Services, EMS) yuav raug thov kom nyob rau hauv qhov chaw los sis nyob kom ze thaum SWAT yuav ua raws li daim ntawv tso cai tshawb nrhiav.

6. Cov duab thaij uas ua xyem xyav los sis cov ntawv qhia uas luv - luv

Yog tias muaj, cov duab thaij uas ua xyem xyav los sis cov ntawv qhia uas luv - luv tsim nyog tau txais ua ntej muab kev pab cuam cov ntawv tso cai "kev pheej hmoo-pes nrab" thiab "kev pheej hmoo-siab".

**E. Kev Txo Kev Tsis Sib Haum Xeeb Ua Ntej Kev Ua Raws Li Daim Ntawv Tso Cai Tshawb Nrhiav**

1. Txoj cai teeb tseg rau qhov kev txo kev tsis sib haum xeeb

- a. Ua ntej kev ua raws li daim ntawv tso cai tshawb nrhiav nyob ntawm chaw nyob, tus neeg uas tau cog lus ntawm daim ntawv tso cai yuav ua kom ntseeg siab tias qhov kev tshawb nrhiav yuav tsis muaj kev tsis sib haum xeeb nrog rau lwm qhov kev tshawb nrhiav los sis tub ceev xwm qhov kev nqis tes.
- b. Saib raws li Tsab Cai MN tshooj 626.13, tus tub ceev xwm uas muab kev pab cuam thiab ua raws li tej daim ntawv tso cai tshawb nrhiav dhau ntawm daim ntawv tso cai tshawb nrhiav kev kav tswj (uas suav nrog cov ntawv tso cai "kev pheej hmoo-qis," "kev pheej hmoo-pes nrab" thiab "kev pheej hmoo-siab") yuav ceeb toom rau lub chaw yuam siv kev cai lij choj hauv zos ntawm cheeb nrog los sis khauj tim uas yuav muab kev pab cuam ua ntej qhov kev pab cuam thiab kev ua raws.
- c. Kev zam: Daim ntawv tso cai tshawb nrhiav uas tau ua raws nyob rau ntawm qhov chaw uas tseem muaj xwm txheej kev ua phem *uas nyob rau qab tswj hwm ntawm MPD los sis lwm lub chaw sawv cev yuam siv kev cai lij choj* tsis tas yuav muaj kev txo kev tsis sib haum xeeb.

2. Txheej txheem kev txo kev tsis sib haum xeeb

- a. Kev txo kev tsis sib haum xeeb yuav raug saib xyuas los ntawm RISSafe qhov kev pab cuam uas tau muab los ntawm Lub Chaw Hauj Lwm Txog Ntaub Ntawv Kev Ua Phem Uas Tau Teeb Tsa Ntawm Cov Xeev Nruab Nrab (Mid States Organized Crime Information Center).
  - i. Tus neeg uas tau cog lus ntawm daim ntawv tso cai tshawb nrhiav los sis lawv tus neeg uas tau teeb tsa yuav ua kom tiav RISSafe txheej txheem kev txo kev tsis sib haum xeeb los ntawm kev txuas lus rau Lub Chaw Hauj Lwm Txog Ntaub Ntawv Fab Tswv Yim (Strategic Information Center) ntawm 612-673-3700 los sis [police-sicmintel@minneapolisnmn.gov](mailto:police-sicmintel@minneapolisnmn.gov) los sis Lub Chaw Ua Hauj Lwm Loj

ntawm Cov Chaw Hauj Lwm Txog Cov Kev Ua Hauj Lwm Ntes Neeg Ua Phem (Bureau of Criminal Apprehension Operations Center) ntawm 651-793-7000.

- ii. Cov neeg tshawb nrhiav uas tau txais kev cob qhia txog txheej teg kev ua hauj lwm ntawm RISSafe yuav siv qhov cuab yeej txo kev tsis sib haum xeeb hauv oos lais.
- b. Tus neeg uas tau cog lus los sis lawv tus neeg uas tau teeb tsa yuav muab cov ntaub ntawv txuas mus no:
  - Tus neeg uas tau cog lus lub npe thiab cov ntaub ntawv sib txuas lus
  - Lub npe thiab cov ntaub ntawv sib txuas lus rau tus neeg txuas lus thib ob uas muaj kev sib swm nrog rau cov kev qhia meej tseeb txog daim ntawv tso cai uas tau npaj.
  - Hnub tim thiab lub sij hawm ua raws li daim ntawv tso cai (hnub tim thiab sij hawm twg los tau)
  - Hom kev ua phem uas tau tshawb xyuas

### 3. Qhov kev tsis sib haum xeeb uas tau pom

Nyob rau xwm txheej uas tau pom muaj qhov kev tsis sib haum xeeb, tus neeg uas tau cog lus yuav tau txais lus qhia txog txoj hauv kev txuas lus rau lub chaw sawv cev uas muaj kev tsis sib haum xeeb. Tus neeg uas tau cog lus yuav ua kev txuas lus thiab daws qhov kev tsis sib haum xeeb ua ntej ua raws li daim ntawv tso cai tshawb nrhiav.

### 4. Kev sau tseg qhov kev ua zoo txo kev tsis sib haum xeeb thiab qhov tshwm sim tawm los

Qhov kev ua zoo txo kev tsis sib haum xeeb thiab qhov tshwm sim tawm los yuav raug sau tseg rau hauv daim foos Kev Ntsuam Xyuas Kev Pheej Hmoo Ntawm Daim Ntawv Tso Cai Tshawb Nrhiav (MP-6946).

## F. Cov Txheej Txheem Kev Nkag Mus Raws Li Daim Ntawv Tso Cai

### 1. Kev muaj cov neeg uas yuav tsum tau muaj

Saib raws li tshooj kev npaj ntawm txoj cai no, yuav tsum muaj cov neeg txuas mus no rau txhua cov kev nkag mus raws li daim ntawv tso cai tshawb nrhiav muaj kev pheej hmoo-siab:

- Yam tsawg kawg ib tug tub ceev xwm uas hnav khaub ncaws tub ceev xwm
- Tus thawj coj saib xyuas hauj lwm uas tsis yog SWAT
- Tus thawj coj saib xyuas hauj lwm SWAT
- Tus neeg kho mob thaum muaj xwm txheej ceev uas muaj kev lees txais, EMT los sis pab pawg neeg ua hauj lwm ntawm EMS, thaum muaj

2. Cov neeg mis dias thiab lwm cov neeg thib peb

Txwv tsis pub muaj cov neeg mis dias los sis lwm cov neeg thib peb ncuu sij hawm kev ua raws daim ntawv tso cai tshwj tsis yog muaj kev tsim yog cia muaj lawv los pab qhov kev ua raws li daim ntawv tso cai.

3. Kev qhia tus kheej ntawm tub ceev xwm

- a. Txhua tus neeg yuam siv kev cai lij choj yuav tsum qhia tus kheej kom meej tias yog neeg yuam siv kev cai lij choj los ntawm kev hnav cev khaub ncaws sab nrauv (xws li lub tsho pov thaiv los sis lub tsho tshooj) los sis lwm yam kev taw qhia txog lub luag hauj lwm los sis lub hwj chim uas ntsia pom.
- b. Txhua tus neeg yuam siv kev cai lij choj uas tsis hnav cev khaub ncaws tub ceev xwm yuav tsum muaj lo lus tias "TUB CEEV XWM (POLICE)" cim rau ntawm lub tsho hnav tuaj sab rauv (xws li lub tsho pov thaiv los sis lub tsho tshooj) los sis lwm yam kev taw qhia txog lub luag hauj lwm los sis lub hwj chim uas ntsia pom.
- c. Cov tswv cuab ntawm lwm lub chaw sawv cev uas pab ua qhov kev tshawb nrhiav yuav raug txheeb xyuas los ntawm kev siv cov txheej txheem ntawm lawv tus kheej lub chaw sawv cev txoj cai.

4. Lub tsho thaiv mos txwv thiab cov koob thajj uas nruab rau ntawm lub cev

- a. Txhua tus tswv cuab ntawm pab pawg neeg ua hauj lwm nkag mus yuav tsum hnav lub tsho thaiv mos txwv.
- b. MPD txhua tus neeg ua hauj lwm uas muaj (suav nrog cov tswv cuab ntawm pab pawg neeg uas nkag mus) yuav tsum nruab, qhib siv thiab kaw kev qhib siv lawv Lub Koob Thajj Uas Nruab Rau Ntawm Lub Cev uas MPD tau muab uas saib raws li txoj cai Sia Koob Thajj Nruab Rau Ntawm Lub Cev (P&P 4-223).

5. Cov kev ceeb toom thiab kev nkag mus

a. Kev ceeb toom ua ntej nkag mus

Yuav tsum tau muaj kev ceeb toom ua ntej nkag mus rau hauv lub chaw MPD tus neeg ua hauj lwm uas ua raws li daim ntawv tso cai tshawb nrhiav yuav tsum siv cov txheej txheem txuas mus no:

i. Khob qhov rooj los sis ua kev txuas lus

Tus neeg ua hauj lwm tub ceev xwm yuav tsum khob lub qhov rooj uas nkag mus rau hauv lub chaw nyob rau tus yam ntxwv thiab ncuu sib nrug uas ua rau cov neeg nyob rau hauv hnov; los sis ua kev txuas lus nrog rau cov neeg uas nyob rau sab hauv ntawm lub chaw los ntawm xov tooj los sis cuab yeej sib tham nyob ncuu kev deb.

## ii. Ceeb toom kom meej tias yog "tub ceev xwm"

Tus neeg ua hauj lwm tub ceev xwm yuav tsum tau ceeb toom qhia lawv tus kheej kom meej thiab qhia los ntawm ncauj tias yog "tub ceev xwm" nrog rau lub hom phiaj uas yuav ua raws li daim ntawv tso cai tshawb nrhiav nyob rau tus yam ntxwv uas tuaj yeem ua rau cov neeg nyob rau hauv hnob.

## iii. Tos ua ntej nkag mus

## aa. Nkag mus thaum nruab hnub

Yog tias tsis muaj cov xwm txheej uas maj ceev, ncuav cov teev sij hawm kev nkag mus thaum nruab hnub, tus neeg ua hauj lwm tub ceev xwm yuav tsum tos yam tsawg kawg yog **20** (seconds) pib los sis ncuav sij hawm ntev raws li muaj zoo laj thawj rau cov neeg nyob rau hauv teb, seb qhov twg zoo dua, ua ntej nkag mus rau hauv lub chaw.

## ab. Kev tshab nrhiav hmo ntuj uas tau txais kev tso cai

Yog tias tsis muaj cov xwm txheej uas maj ceev, ncuav sij hawm kev nkag mus tshawb nrhiav hmo ntuj uas tau txais kev tso cai, tus neeg ua hauj lwm tub ceev xwm yuav tsum tos kom cov neeg nyob rau hauv teb, yam tsawg kawg **30** (seconds) pib los sis ncuav sij hawm ntev raws li muaj zoo laj thawj, seb qhov twg zoo dua, ua ntej nkag mus rau hauv lub chaw.

## ac. Cov xwm txheej uas maj ceev

Cov xwm txheej uas maj ceev rau kev nkag mus kiag tam sim ntawd yog:

- Txhawm rau pov thaiv qhov kev phom sij uas yuav tshwm sim los sis muab kev pab thaum muaj xwm txheej ceev;
- Txhawm rau pov thaiv qhov kev rhuav tshem los sis kev tshem tawm qhov pov thawj uas yuav tshwm sim (tsis suav nrog cov yeeb tshuaj);
- Thaum maj caum qab;
- Txhawm rau pov thaiv qhov kev khiav tawm uas yuav tshwm sim ntawm tus neeg uas xav tias muaj kev txhaum.

Cov xwm txheej uas maj ceev **tsis** suav nrog kev rhuav tshem los sis kev tshem tawm cov yeeb tshuaj.

## b. Kev yuam nkag mus yam uas muaj zoo laj thawj

Yog tias qhov kev ceeb toom rau cov neeg nyob rau hauv tsis tsim ua rau muaj kev tso cai rau tus neeg ua hauj lwm tub ceev xwm nkag mus tom qab ncuav sij hawm tos uas muaj zoo laj thawj, ces tej zaum tus neeg ua hauj lwm tub ceev xwm yuav siv qhov kev yuam raws li muaj zoo laj thawm txhawm rau ua raws li daim ntawv tso cai,

uas suav nrog kev yuam nkag mus rau hauv lub tuam tsev txhawm rau ua kev tshawb nrhiav.

c. Cov kev ceeb toom qhia txuas mus ntxiv

- i. Tus neeg ua hauj lwm tub ceev xwm yuav ceeb toom qhia lawv tus kheej kom meej tias yog "tub ceev xwm" nyob rau lub sij hawm uas nkag mus kiag.
- ii. Ncuaj sij hawm qhov kev ua raws, cov tub ceev xwm yuav tsum ceeb toom qhia lawv tus kheej tas li tias yog "tub ceev xwm" thaum uas lawv txav mus ze thiab tshawb cheeb tsam tshawb nrhiav, thiab txhua zaub uas tus tub ceev xwm tau txav mus rau cheeb tsam uas tej zaum tsis hnov qhov kev ceeb toom qhia tag los.
- iii. Cov lus ceeb toom qhia no tsim nyog muaj tus tub ceev xwm lub hwj chim thiab tej yam uas tus tub ceev xwm xav kom tus neeg phem ua.

d. Yuav tsum paub cov kev tab kaum rau kev koom tes

Cov tub ceev xwm yuav tsum paub cov kev tab kaum los sis ntseeg tau yam uas muaj zoo laj thawjlos koom tes los sis pom cov kev tab kaum, xws li cov kev tab kaum rau lub peev xwm fab siab ntsws los sis txoj kev xav, lub cev ntaj ntsug thiab hom lus, uas suav nrog qhov tias seb puas yog paub tias los sis ntseeg tias tus neeg ntawd lag ntseg los sis hnov lus nyuaj.

6. Cov kev ntes, cov kev tshawb nrhiav thiab kev siv dag zog

- a. Cov kev koom tes nrog cov kev ntes, cov kev tshawb nrhiav thiab kev siv dag zog yuav tau ua raws li cov cai uas siv tau (P&P 9-100, P&P 9-200 thiab P&P 5-300).
- b. FSDDs (los kuj tau hu ua lub cuab yeej "nrov-cig nplaim (flash-bang)" tsuas yuav raug faib thiab raug siv saib raws li P&P 5-503 Cov Cuab Yeej Tsim Suab Nrov/Cov Cuab Yeej Tsim Kev Tab Kaum xwb, thiab cov cai kev siv dag zog nyob rau hauv P&P 5-300.

7. Kev rov qab tu lub chaw kom zoo li qub

Thaum xaus daim ntawv tso cai, cov tub ceev xwm yuav tsum rov tu lub chaw uas tau tshawb nrhiav kom rov zoo li qub (xws li cov tub laug yuav tsum rov ntsaws rov qab rau hauv lub tub, cov khaub ncaws tau muab thau yuav tsum muab rov tso rov qab rau sab hauv lub tub laug, cov txaj yuav tsum rov muab dho rau cov tabtxag, thiab lwm yam.

**G. Kev Sau Tseg Daim Ntawv Tso Cai thiab Kev Ua Raws Li Daim Ntawv Tso Cai**

1. Kev sau tseg rau hauv Daim Ntawv Tshaj Tawm Ntawm Tub Ceev Xwm

- a. Thaum SWAT tau cuam tshuam nyob rau hauv daim ntawv tso cai, tus khauj SWAT yuav raug siv nyob rau hauv Daim Ntawv Tshaj Tawm Ntawm Tub Ceev Xwm. Rau cov kev tshaj tawm uas tau ntaus nkag ua ntej rau hauv qhov kev ua raws li daim

ntawv tso cai tshawb nrhiav, tus neeg tshawb xyuas yuav tsum ua kom ntseeg siab tias tau txhab ntxiv tus khauj rau hauv qhov kev tshaj tawm lawm.

- b. Yog tias SWAT tsis cuam tshuam, ces tus khauj SRCHWT yuav raug siv (qhia txog daim ntawv tso cai tshawb nrhiav). Rau cov kev tshaj tawm uas tau ntaus nkag ua ntej rau hauv qhov kev ua raws li daim ntawv tso cai tshawb nrhiav, tus neeg tshawb xyuas yuav tsum ua kom ntseeg siab tias tau txhab ntxiv tus khauj rau hauv qhov kev tshaj tawm lawm. Qhov no suav nrog cov ntawv tso cai kev kav tswj.
  - c. Cov neeg tshawb xyuas yuav tsum muab daim theej tawm ntawm daim ntawv tso cai thiab daim theej tawm ntawm daim ntawv lees paub rhais nrog rau Daim Ntawv Tshaj Tawm Ntawm Tub Ceev Xwm.
  - d. SWAT tus thawj coj saib xyuas hauj lwm, tus thawj coj saib xyuas hauj lwm thiab lwm tus neeg uas muaj kev lav ris rau kev coj kev qhov kev nkag mus yuav sau tseg rau hauv lawv cov lus piav qhia hais txog tej cov xwm txheej uas maj ceev uas muaj ua ntej ua qhov kev nkag mus.
  - e. Rau cov ntawv tso cai uas cuam tshuam qhov kev tshawb nrhiav ntawm qhov chaw, cov neeg tshawb xyuas yuav sau tseg rau hauv Daim Ntawv Tshaj Tawm Ntawm Tub Ceev Xwm:
    - Seb qhov chaw uas tau tshawb nrhiav puas zoo thoog li qhov chaw uas hais tseg rau hauv daim ntawv tso cai
    - Seb puas muaj tus neeg phem los sis cov neeg phem uas tau hais tseg nyob rau hauv daim ntawv tso cai
    - Seb puas muaj tej yam khoom uas kom ywv uas tau hais tseg nyob rau hauv daim ntawv tso cai
  - f. Cov tub ceev xwm uas tau txais kev cob hauj lwm rau daim ntawv tso cai tshawb nrhiav yuav sau tseg rau hauv cov lus piav qhia hais txog lawv txoj hauj lwm uas tau txais kev muab cob thiab cov kev nqis tes uas tau ua, yog tias lawv muaj kev lav ris rau tej qhov twg ntawm cov txuas mus no:
    - Kev siv dag zog los khoos los sis ceev cia tib neeg;
    - Tej kev puas tsuaj rau khoom vaj tsev;
    - Kev nrhiav, kev rub rov qab los sis kev sau tseg pov thawj.
  - g. Thaum muaj lus txib los ntawm tus thawj coj saib xyuas hauj lwm, cov tub ceev xwm yuav sau tseg rau hauv cov lus piav qhia hais txog lawv txoj hauj lwm uas tau txais kev muab cob thiab cov kev nqis tes uas tau ua.
2. Daim foos txheeb sau ntaub ntawv los ntawm daim ntawv tso cai tshawb nrhiav
    - a. Yuav tsum tau muaj daim foos txheeb sau ntaub ntawv los ntawm daim ntawv tso cai tshawb nrhiav nyob rau hauv PIMS (lub nab cos "Daim Ntawv Tso Cai (Warrant)" rau txhua cov ntawv tso cai tshawb nrhiav. Qhov no suav nrog cov ntawv tso cai

"Kev Pheej Hmoo-Siab," "Kev Pheej Hmoo-Pes Nrab," "Kev Pheej Hmoo-Qis" thiab "Kev Kav Tswj".

- b. Tus neeg uas tau cog lus yuav tau ua kom tiav daim foos PIMS rau txhua tej daim ntawv tso cai tshawb nrhiav uas tau siv los sis tau ua raws los ntawm MPD, thiab yuav tau ntaus nkag txhua cov ntaub ntawv uas yuav tsum tau muaj los ntawm daim foos.
    - i. Yog tias tus neeg uas tau cog lus tuaj ntawm lub chaw sawv cev sab nrauv tuaj thiab MPD koom nrog rau qhov kev ua raws li daim ntawv tso cai tshawb nrhiav, ces tus tub ceev xwm muab qib uas tau koom nrog qhov kev nkag mus yuav tau ua kom tiav daim foos.
  - c. Yuav tau ua kom tiav daim foos raws li CCN ib yam nkaus li daim ntawv tso cai tshawb nrhiav nyob rau hauv PIMS.
  - d. Nyob rau hauv kem uas Tau Cuam Tshuam nyob rau hauv daim npe PIMS ntawm daim ntawv tso cai tshawb nrhiav, tus nab npawb xwm txheej rau qhov xwm txheej xub thawj tsim nyog raug siv.
3. Kev tshaj tawm kev siv dag zog

Kev siv dag zog ncuaj sij hawm ua raws li daim ntawv tso cai tshawb nrhiav yuav raug sau tseg uas saib raws li P&P 5-301.

4. Kev sau tseg kev puas tsuaj

Txhua cov neeg tshawb xyuas xwm txheej yuav tau sau tseg rau hauv Daim Ntawv Tshaj Tawm Ntawm Tub Ceev Xwm hais txog tej cov kev puas tsuaj uas tau muaj rau cov khoom vaj tsev uas tshwm sim los ntawm cov kev nqis tes ntawm tub ceev xwm.

- a. Yog tias tau muaj kev yuam nkag mus ua kev tshawb nrhiav los ntawm cov rai los sis cov qhov rooj sab hauv los sis sab nrauv, ces daim ntawv tshaj tawm yuav tsum muaj tus khauj FENTRY.
- b. Cov ntaub ntawv no yuav tsum muaj qhov kev puas tsuaj uas tau ua los ntawm SWAT Kev Qhia Meej Tseeb Txog Daim Ntawv Tso Cai txhawm rau nkag mus rau hauv qhov chaw thiab qhov kev puas tsuaj uas tau ua los ntawm cov neeg tshawb xyuas uas vim yog kev tshawb nrhiav pov thawj uas raug raws li kev cai lij choj.
- c. Qhov kev puas tsuaj uas tau muaj rau cov chaw khoob los kuj yuav raug sau tseg.
- d. Cov ntaub ntawv no yuav tsum muaj tus yam ntxwv thiab kev piav qhia meej tseeb ntawm lub vaj tsev uas raug kev puas tsuaj; xws li, lub qhov rooj khoob plawv thiab lub qhov rooj ua rau nplais, lub dab ntxuas tes av pob zeb thiab lub dab ntxuav tes ntoo oak thiab pob zeb momnpis, thiab lwm yam.

- e. Yuav tsum tau thaj cov duab kaw tseg tej cov kev puas tsuaj uas tau paub, thiab yuav tsum tau muab rhais nrog rau Daim Ntawv Tshaj Tawm Ntawm Tub Ceev Xwm.

#### **H. Cov Ntawv Tso Cai Uas Nyob Sab Nrauv Minneapolis**

1. Txhawm rau kom muaj kev nyab xeeb tshaj plaws rau tub ceev xwm, MPD cov tub ceev xwm uas pib daim ntawv tso cai nyob rau hauv lwm lub chaw muaj cai txiav txim yuav txuas lus rau Lub Chaw Hauj Lwm Txog Kev Sib Txuas Lus uas xa xov rau lub chaw muaj cia txiav txim uas raug feem cuam tshuam tsis zoo thiab thov txuas lus nrog rau tub ceev xwm uas muaj kev lav ris.
2. Thaum tshawb nrhiav txhawm rau ua raws li tej daim ntawv tso cai tshawb nrhiav dhau ntawm daim ntawv tso cai tshawb nrhiav kev kav tswj (qhov no suav nrog cov ntawv tso cai "kev pheej hmoo-qis," "kev pheej hmoo-pes nrab," thiab "kev pheej hmoo-siab"), cov tub ceev xwm yuav txuas lus rau lub chaw muaj cai txiav txim uas yuam siv kev cai lij choj uas muab kev pab cuam daim ntawv tso cai. Lub chaw muaj cai txiav txim tsim nyog muaj lub luag hauj lwm rau kev nkag thiab kev ceev kev ruaj ntseg ntawm qhov chaw muaj xwm txheej ua ntej MPD tus neeg ua hauj lwm los tswj.
3. SWAT yuav tsis tawm ntawm Minneapolis txhawm rau ua raws li daim ntawv tso cai tshawb nrhiav yam uas tsis muaj kev pom zoo ua ntej ntawm Tus Thawj Coj Saib Xyuas uas saib xyuas SWAT.

#### **I. Cov Kev Thov Los Ntawm Lwm Lub Chaw Muaj Cai Txiav Txim rau Kev Ua Raws Li Daim Ntawv Tso Cai Tshawb Nrhiav**

1. Yuav tsum muaj kev pom zoo ua ntej los ntawm Tus Lwm Thawj Coj ntawm Cov Kev Tshawb Xyuas rau qhov kev ua raws li daim ntawv tso cai tshawb nrhiav rau lub chaw sawv cev sab nrauv.
  - a. Tus Thawj Coj Saib Xyuas uas saib xyuas qhov kev faib lub chaw uas tau thov yuav tsum tau thov kev pom zoo los ntawm Tus Lwm Thawj Coj ntawm Cov Kev Tshawb Xyuas ua ntej qhov kev ua raws li daim ntawv tso cai tshawb nrhiav rau lub chaw sawv cev sab nrauv.
  - b. Tus Lwm Thawj Coj Saib Xyuas yuav tshab xyuas daim ntawv tso cai tshawb nrhiav ua ntej muab kev pom zoo los pab lub chaw sawv cev sab nrauv.
2. Txhua qhov kev pab uas tau muab yuav tsum yog ua raws li MPD cov cai.